

Sakshandsamar:

Kristin Arnestad
E-post: kristin.arnestad@sfj.no
Tlf.: 90616843

Vår ref.

Sak nr.: 18/1870-25
Gje alltid opp vår ref. ved kontakt

Internt l.nr.

26809/18

Dykkar ref.**Dato**

LEIKANGER, 16.05.2018

Notat

Frå: Næringsseksjonen

Tildeling av midlar til rekruttering og kompetanseheving i landbruket 2018**Innleing**

Fylkesdirektøren for næring og kultur tildeler midlar til rekruttering og kompetanseheving i landbruket etter administrativ fullmakt. Vurdering og tildeling vert drøfta med ei arbeidsgruppe med deltakarar frå opplæringsavdelinga, fylkesmannen og organisasjonane i landbruket. Fylkesdirektøren sitt vedtak er i tråd med tilrådingane frå arbeidsgruppa.

Vi har fått inn 18 søknader på utlysinga, i tillegg er det kome ein søknad under ei anna utlysing som vert handsama under denne ordninga. Vi har då til saman 19 søknader med samla søknadssum på 2,365 mill. kr. Tilgjengeleg ramme for tildeling er 1,158 mill. kr.

Bakgrunn og tildelingskriterier

[Plan for rekruttering og kompetanseheving i landbruket 2018, samt utlysingstekst legg premissane for tildeling av midlar.](#)

Prioriterte område for støtte:

- Tiltak som bidrar til å styrkje rekruttering i landbruks- og gartnerutdanninga og til høgare utdanning i landbruksfag
- Tilskot til kompetansehevande tiltak og støtte til etter- og vidareutdanningstilbod for næringsutøvarar i landbruket

Tilskot skal sjåast i samanheng med andre ordningar for rekruttering og kompetanseheving i landbruket. Det er viktig å tilby regionale etter- og vidareutdanningstilbod som gjev kunnskap næringsutøvarane har særskilt behov for i den einskilde produksjonen.

Mål:

- sikre naturbrukstilbodet i fylket gjennom aktivt rekrutteringsarbeid
- gje fleksible mulegheiter for auka kompetanse hjå aktive yrkesutøvarar i næringa og vaksne som ynskjer å kome inn i næringa
- medverke til auka rekruttering innan tradisjonelt landbruk og bygdenæringar

Prioriterte tiltak:

I eit rekrutteringsperspektiv er det viktig å:

- medverke til auka rekruttering til naturbruk på vidaregåande nivå ved å gi auka kunnskap om landbruket og karrieremulegheiter innan landbruks- og matfag til rådgivarar, lærarar, foreldre og elevar i grunnskulen
- legge til rette for nettverksbyggande aktivitet
- fagkurs knytt til ulike produksjonar og produksjonsmetodar i samsvar med endringar i landbruket
- legge til rette for auka kunnskap om og synleggjering av bygdenæringar som ein mogleg måte å utvikle verksemda på
- tiltak som byggjer opp omdømet til landbruksnæringa
- kurs som næringsutøvarane har særskilt trong for

Tilgjengeleg ramme

Midlane til rekruttering og kompetanseheving skal fordelast mellom korte kurs, og meir langsiktige utviklingsprosjekt. I år har vi ikkje fordelt midlane mellom dei ulike områda i planen. Fordelinga skjer etter vurderingar i arbeidsgruppa ut frå mellom anna kvaliteten på prosjekta det vert søkt om støtte til, og kor godt dei treff måla i planen.

Per medio mai 2018 har vi 38 000 kr. i restmidlar som vert lagt på ramma for fordeling. Vi har såleis tilgjengeleg 1,158 mill. kr. til fordeling.

Vurdering

Søknadane er vurdert opp mot planen og prioriterte strategiar. Vi har lagt vekt på at det skal vere ein kombinasjon av fagkurs og meir langsiktige prosjekt.

Vi ser at nokre søknader har eit økonomisk omfang som gjer det vanskeleg å finne rom for dei. Vi har ikkje funne rom til å gå inn med støtte til mange langsiktige prosjekt, då det enten vil bety ein for stor sum i år, eller binde opp rammene for mykje framover, sjølv om det vert gjort atterhald om vidare støtte.

Vi har også lagt vekt på at prosjekt ikkje skal få finansiering både frå fylkeskommunen og fylkesmannen og har ein dialog med fylkesmannen som sit med tildeling av UTM-midlar. Nærare vurdering av alle søknader i vedlegg 2.

Vedlegg:

1. Oversikt over tildelingar 2018
2. Vurdering av søknadane